

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U TEŠNJU
Broj: 39 0 K 076399 25 K
Tešanj: 21.07.2025. godine

U IME FEDERACIJE BIH!

Općinski sud u Tešnju, po sudiji Besimi Ajanović, uz učešće zapisničara Hadžan Ninele, u krivičnom predmetu protiv optuženih D. E., sin E., K. broj ..., grad Zenica, i Š. N., kći S., Zenica ul. K., grad Zenica, trenutno nastanjena na adresi M. B., ... grad Zenica, zbog počinjenih krivičnih djela i to zajedno, pod tačkom I-1 krivično djelo "Neovlaštena proizvodnja i stavljanje u promet opojnih droga" iz člana 238. stav 1. KZ F BiH, u vezi sa članom 31. KZ F BiH, pod tačkom I-2 krivično djelo iz člana 52. ZONDINOiM-a u vezi sa članom 31. KZ F BiH, i D. E., sam, pod tačkom II-3 krivično djelo „Krivotvorenje isprave“ iz člana 373. stav 2. u vezi sa stavom 1. KZ F BiH, a sve u vezi sa članom 54. KZ F BiH, a po optužnici Kantonalnog tužilaštva ZE-DO kantona Zenica broj: T04 0 KT 0062518 25 od 28.04.2024.godine, nakon održanog glavnog i javnog pretresa dana 07.07.2025. godine u prisutnosti Kantonalnog tužioca Ešref Sikira, optuženog D. E. i njegovog branioca Prnjavorac Fuad advokat iz Tešnja, optužene Š. N. i njenog branioca Ahmetović Dino advokat iz Zenice, dana 07.07.2025.godine u prisutnosti KT Zenica, optuženog i njegovog branioca, optužene i njenog branioca donio i javno objavio sljedeću:

P R E S U D U

OPTUŽENI:

1. D. E., sin E. i majke S. rođene B., rođen godine u Zenici, prijavljen na adresi u mjestu K. broj ..., grad Zenica, nastanjen na adresi P. Č. ..., Zenica, po narodnosti Bošnjak, državljanin BiH, JMB: ..., pismen, sa završenom SSS, po zanimanju programer, živi u vanbračnoj zajednici sa Š. N., vojsku služio, vodi se u vojnoj evidenciji OMO Zenica, lošeg imovnog stanja, osuđivan presudama Općinskog suda Travnik 2021. godine za krivično djelo iz člana 287. stav 1. tačka a) KZ F BiH, na kaznu zatvora u trajanju od šest mjeseci, uslov jedna godina, presudom Općinskog suda u Zenici broj: 43 0 K 199619 21 K od 28.10.2021. godine za krivično djelo iz člana 287. stav 1. tačka a) KZ F BiH, na kaznu zatvora u trajanju od devet mjeseci, uslov dvije godine, djelo počinjeno dana 11./12.04.2020. godine, presudom Općinskog suda u Zavidovićima broj: 42 0 K 055204 21 K od 06.01.2022. godine, za krivično djelo iz člana 239. stav 3. KZ F BiH, na kaznu zatvora u trajanju od šest mjeseci, uslov jedna godina, presudom Općinskog suda u Travniku broj: 51 0 K 207598 22 od 02.02.2023. godine za krivično djelo iz člana 287. stav 1. tačka a) u vezi sa članom 31. KZ F BiH, na kaznu zatvora u trajanju od deset mjeseci, uslov dvije godine i presudom Općinskog suda u Zenici broj: 43 0 K 227970 23 K od 08.09.2023. godine (Kantonalni sud Zenica broj: 43 0 K 227970 23 Kž od 21.11.2013. godine), za krivično djelo iz člana 238. stav 1. KZ F BiH, na kaznu zatvora u trajanju od jedne godine i dva mjeseca, djelo počinjeno dana 14.09.2021. godine, branilac osumnjičenog je po službenoj dužnosti Prnjavorac Fuad,advokat iz Tešnja, osumnjičeni se nalazi u pritvoru po Rješenju Općinskog suda

u Tešnju broj: 39 0 K 076399 25 Kpp od 12.02.2025. godine, kojim Rješenjem mu je određen pritvor u trajanju od mjesec dana, počev od 10.02.2025. godine u 15:10 sati, koji pritvor mu je produžen za dva mjeseca Rješenjem Općinskog suda u Tešnju broj: 39 0 K 076399 25 Kv 2 od 07.03.2025. godine i isti pritvor traje do 11.05.2025. godine do 15,10 sati.

2. Š. N., kći M. S. i majke B. E., rođena godine u Zenici, prijavljena na adresi u ulici K. broj ..., grad Zenica, trenutno nastanjena na adresi M. B., ... grad Zenica, po narodnosti Bošnjakinja, državljanka BiH, JMB: ..., pismena, sa završenom osnovnom školom, zaposlena, živi u vanbračnoj zajednici sa D. E., majka dvoje mlđb. djece, nije služila vojsku, ne vodi se u vojnoj evidenciji, lošeg imovnog stanja, neosuđivana,

K R I V I S U

Što su :

I – E. D. i Š. N., zajedno

Dana 10.02.2025. godine, na području općine Tešanj, u iznajmljenom stanu koji koriste na adresi M. Č. broj ..., u mjestu Jelah, vlasništvo B.N., suprotno odredbama člana 4 stav 1 i 5 u vezi sa članom 19. i 20. Zakona o sprečavanju i suzbijanju zloupotrebe opojnih droga BiH, iako su bili svjesni da je prodaja opojne droge zabranjena zakonom, to su i htjeli, pa su radi prodaje neovlašteno držali opojnu drogu i to: jednu prozirnu pvc foliju sa sadržajem zeljaste biljne materije neto mase 2,295 grama, za koju materiju je vještačenjem utvrđeno da sadrži sadrži psihoaktivnu komponentu „tetrahidrokanabinol“ (THC), te predstavlja opojnu drogu „cannabis“, poznatiju kao opojna droga „marihuana“, koja droga je pod rednim brojem 13 „Liste opojnih droga“ iz Tabele I/1 „Zabranjene tvari i biljke“ i pod rednim brojem 26 Lista psihotropnih tvari iz Tabele I/2 „Zabranjene tvari i biljke“, jedno vakumirano prozirno pvc pakovanje u kojem je prisutna materija bijele boje neto mase 84,329 grama, jednu prozirnu vakumiranu najlonsku kesicu u kojoj je prisutna materija bijele boje neto mase 42,245 grana, dva paketića načinjena od prozirne najlonske folije u kojima je prisutna vlažna grudasta materija bijele boje neto mase 0,051 grama i 6,295 grama, četiri prozirne vakumirane kesice u kojima je prisutna materija bijele boje neto mase 41,701 grama, 44,447 grama, 44,334 grama, 34,707 grama, na digitalnoj vagi crne i bijele boje tragovi materije bijele boje, na aparatu za vakumiranje crne i sive boje prisutni tragovi materije bijele boje i na mikseru prisutna materija bijele boje, za koju materiju i tragove je vještačenjem utvrđeno da sadrži psihoaktivnu komponentu „amfetamin“, poznatiju kao opojna droga „speed“, koja droga je pod rednim brojem 1 „Liste psihotropnih tvari“ iz tabele II/2 „Tvari i biljke pod strogom kontrolom“ proglašena takvom, koju opojnu drogu i druge predmete koji se dovode u vezu sa prometom opojnim sredstvima su pronađeni i izuzeti u stanu vlasništvo B. N. prilikom pretresa OSL PS Tešanj na osnovu Naredbe sudije za prethodni postupak Općinskog suda u Tešnju broj 08-02-11/1-15-33/25 od 10.02.2025. godine, a o oduzetoj opojnoj drogi i predmetima koji se dovode sa prometom opojnim sredstvima je izdata potvrda o privremenom oduzimanju predmeta,

dakle, neovlašteno radi prodaje držali opojnu drogu,

2. Dana 10.02.2025. godine, na području općine Tešanj, u iznajmljenom stanu koji koriste na adresi M. Č. broj ..., u mjestu Jelah, vlasništvo B. N., suprotno odredbama

člana 5. stav 1. tačke a), a u vezi sa članom 6a tačke a) i b) i u vezi sa članom 6b stav 1 tačke a) i b) Zakona o nabavljanju, držanju i nošenju oružja i municije ZE-DO kantona, iako su bili svjesni da nemaju odobrenje za držanje oružja, to su i htjeli, pa su bez odobrenja držali: pištolj marke BLOW model TR14, kalibra 9 mm, p.a.k., na kojem su mehaničkim putem uništene fabričke oznake i vršene nelegalne prepravke, tako da je promijenjena cijev i modifikovano ležište metka kako bi se omogućilo ispaljenje metka sa projektilom, koji pištolj koristi municiju kalibra 9x17 mm, jedan pribor za čišćenje pištolja, pet čeličnih cijevi dužine 200 mm prečnika oko 14 mm, pripremljene za pravljenje cijevi vatrenog oružja i prepravku gasnog u vatreno oružje, dvije čelične cijevi dužine 85 i 97 mm, vanjskog prečnika od 13,6 mm, pripremljene za pravljenje cijevi vatrenog oružja i prepravku gasnog u vatreno oružje, a koje oružje i pribor su pronađeni i izuzeti u stanu vlasništvo B. N. prilikom pretresa OSL PS Tešanj na osnovu Naredbe sudije za prethodni postupak Općinskog suda u Tešnju broj 08-02-11/1-15-33/25 od 10.02.2025. godine, a o oduzetom oružju i priboru je izdata potvrda o privremenom oduzimanju predmeta,

dakle, bez odobrenja držali vatreno oružje kada je za nabavljanje tog oružja i dijelova za oružje i municiju potrebno odobrenje,

II – E. D., sam

3. Dana 10.02.2025. godine, oko 15,05 sati, u ulici L., na području općine Žepče, nakon što je zaustavljeno pmv marke „Seat“ reg.oznaka ..., kojim je upravljala Š. N., dok se na mjestu suvozača nalazio D. E., prilikom kontrole istih od strane OSL MUP ZDK Uprava policije, Sektor kriminalističke policije, D. E. upotrijebio kao pravu, lažnu javnu ispravu i to: internacionalnu vozačku dozvolu u vidu knjižice, serijskog broja: DL544215 na ime M. S. sa fotografijom D. E., a koja vrijedi do 22.11.2034. godine i internacionalnu vozačku dozvolu u vidu kartice od plastičnog materijala serijskog broja: DL544215 na ime M. S. sa fotografijom D. E. i rokom važenja do 22.11.2034. godine, koja internacionalna vozačka dozvola predstavlja nepostojeću ispravu i koja je izrađena na potpuno krivotvorenom obrascu, koju kao takvu nije izdao nadležni organ i koju je prethodno radi upotrebe nabavio tačno neutvrđenog dana, svjestan da upotrebljava lažnu javnu ispravu kao pravu, što je i htio,

dakle, izradio lažnu ispravu s ciljem da takvu ispravu upotrijebi kao pravu,

čime su počinili krivično djelo D. E. i Š. N., zajedno, pod tačkom I-1 krivično djelo "Neovlaštena proizvodnja i stavljanje u promet opojnih droga" iz člana 238. stav 1. KZ FBiH, u vezi sa članom 31. KZ F BiH, pod tačkom I-2 krivično djelo iz člana 52. ZONDINOiM-a u vezi sa članom 31. KZ F BiH i Dudić Elvir, sam, pod tačkom II-3 krivično djelo „Krivotvorenje isprave“ iz člana 373. stav 2. u vezi sa stavom 1. KZ F BiH, a sve u vezi sa članom 54. KZ F BiH,

pa se na osnovu istih zakonskih odredaba, te odredaba člana 43. i 49. KZ FBiH, optuženom D.E. utvrđuje:

-Za krivično djelo „Neovlašćena proizvodnja i stavljanje u promet opojnih droga“ iz člana 238. stav 1. KZ F BiH kazna zatvora u trajanju od 1 godinu i 3 mjeseca,

-Za krivično djelo iz člana 52. ZONDINOiM-a u vezi sa članom 31. KZ F BiH kazna zatvora u trajanju od 4 mjeseca,

-Za krivično djelo „Krivotvorenje isprave“ iz člana 373. stav 2. u vezi sa stavom 1. KZ F BiH, kazna zatvora u trajanju od 9 mjeseci.

Pa se primjenom odredaba člana 54. KZ FBiH optuženi

O S U D U J E

na jedinstvenu kaznu zatvora u trajanju od 2 (dvije) godine i 3 (tri) mjeseca

U izrečenu kaznu optuženom se uračunava vrijeme provedeno u pritvoru od 10.02.2025.godine pa do 07.07.2025.godine.

Optuženoj Š. N. primjenom navedenih zakonskih odredaba i na osnovu odredaba člana 49. i 62. KZ FBiH, izriče se

UVJETNA OSUDA

Kojom se optuženoj za krivično djelo „Neovlašćena proizvodnja i stavljanje u promet opojnih droga“ iz člana 238. stav 1. KZ F BiH utvrđuje kazna zatvora u trajanju od 1 godinu i 3 mjeseca, a za krivično djelo iz člana 52. ZONDINOiM-a u vezi sa članom 31. KZ F BiH utvrđuje kazna zatvora u trajanju od 4 mjeseca, pa se primjenom odredaba člana 54. KZ FBiH optuženoj **izriče jedinstvena kazna zatvora u trajanju od 1 (jednu) godinu dana i 6 (šest) mjeseci, a koja kazna se neće izvršiti ukoliko optužena u roku od 3 (tri godine) računajući od dana pravosnažnosti presude ne učini novo krivično djelo.**

Optuženi se obavezuju da na ime troškova krivičnog postupka-paušala plate iznos od po 50,00 KM, u roku od trideset (30) dana od dana pravosnažnosti presude.

Na osnovu člana 78. stav 1. i člana 238. stav 4. KZ F BiH, optuženim D. E. i Š. N. izriče se mjera sigurnosti i oduzma se ispitivana materija - opojna droga „tetrahidrokanabinol-cannabis“, neto mase 2,274 grama, opojnu drogu „amfetamin“, neto masa: 84,307 grama, 42,223 grama, 0,033 grama, 6,275 grama, 41,680 grama, 44,425 grama, 44,314 grama, 34,689 grama, preostale nakon vještačenja, a koje se nalaze deponovane u MUP ZDK, Sektor kriminalističke policije, te crno-bijelu digitalnu vagu sa natpisom "Beurer", 1 komad, (sa kutijom), mašinu za vakuumiranje "Gorenje" crno-sive boje sa rolnom prozirne folije, 1 komad, bijela PVC flaša sa čepom i natpisom "methanol" sa sadržajem nepoznate tečnosti jedan komad, prozirna PVC flaša sa čepom sa sadržajem nepoznate tečnosti 1 komad, više prozirnih PVC vrećica za pakovanje, bijeli mikser, ručni, sa natpisom "Home" na kojem se nalaze tragovi bijele materije koja svojim izgledom asocira na opojnu drogu "speed", da se oduzme pištolj marke BLOW model TR14, kalibra 9 mm, p.a.k., jedan pribor za čišćenje pištolja, pet čeličnih cijevi dužine 200 mm prečnika oko 14 mm, dvije čelične cijevi dužine 85 i 97 mm, vanjskog prečnika od 13,6 mm, kombinovana kliješta sa natpisom „Ineco“, borer dužine prečnika prečnika 9 mm dužine 125 mm, dvije spojene plastične tube sa bijelim i crnim sadržajem, višenamjenski alat u obliku noža na rasklapanje sa više alatnih dodataka sa natpisom proizvođača Bavaria Woltex Company, cijev

plinskog oružja dužine 72 mm, unutarnjeg prečnika 6,9 mm sa pregradama na početku i kraju koja je nesumnjivo skinuta sa gasnog oružja koje u cijevi ima pregrade kako bi se onemogućilo ispaljivanje projektila (zrna), borer dužine 85 mm prečnika 5mm. zahrđane čelične cijevi jedanaest komada, vanjskog prečnika 12,5 mm a unutarnjeg prečnika 8,5 mm, cijev dužine 85 mm vanjskog prečnika 12,7 mm i unutarnjeg prečnika 8,2 mm, jedna začepljena cijev dužine 128 mm, prečnika 12 mm, jedna cijev dužine 47 mm, vanjskog prečnika 15 mm a unutarnjeg prečnika 8,5 mm, nastavak za bor-mašinu sa oštećenim vrhom maksimalne širine križa (pločice od tvrdog metala) 8,8 mm, nastavak za bor-mašinu sa krstastim vrhom, šestougaoni „izbijač” širine 6,3 mm dužine 37 mm i šestougaoni „izbijač” širine 8 mm dužine 45 mm, dva metalna okrugla prečnika od 8,2 mm do 9,3 mm dužina 30 i 35 mm, rezni alat sa priljučkom za bor-mašinu u obliku konusnog glodala, maksimalnog prečnika 12,65 mm, dužina glodajućeg dijela 26 mm i rezni alat sa priljučkom za bormašinu u obliku konusnog glodala, maksimalnog prečnika 9,5 mm, dužina glodajućeg dijela 21 mm, borer prečnika 9 mm dužine 120 mm, dva mala neupotrebljena borera dužine 60 mm prečnika 3 mm i četka za čišćenje cijevi vatrenog oružja dužine 140 mm, deponovana u PS Tešanj i ista se ima uništiti.

Na osnovu člana 114. KZ FBiH, od optuženih oduzima se dvadeset (20) novčanica u apoenima od 50, 00 KM i dvadeset (20) novčanica u apoenima od 20,00 KM, koje su novčanice oduzete uz potvrdu o privremenom oduzimanju predmeta PU IV PS Tešanj broj: 08-02-11/1-44-23/25 od 10.02.2025. godine, te se navedena sredstva imaju uplatiti u korist budžeta Federacije BiH po pravosnažnosti presude.

O b r a z l o ž e n j e

Kantonalno tužilaštvo ZE-DO kantona Zenica optužnicom broj: T04 0 KT 0062518 25 od 28.04.2025. godine optužilo je D. E., sin E., K. broj ..., grad Zenica, i Š. N., kći S., Zenica ul. K., grad Zenica, trenutno nastanjena na adresi M. B., ... grad Zenica, zbog počinjenih krivičnih djela i to zajedno, pod tačkom I-1 krivično djelo "Neovlaštena proizvodnja i stavljanje u promet opojnih droga" iz člana 238. stav 1. KZ F BiH, u vezi sa članom 31. KZ F BiH, pod tačkom I-2 krivično djelo iz člana 52. ZONDINOiM-a u vezi sa članom 31. KZ F BiH, i D. E., sam, pod tačkom II-3 krivično djelo „Krivotvorenje isprave“ iz člana 373. stav 2. u vezi sa stavom 1. KZ F BiH, a sve u vezi sa članom 54. KZ F BiH, počinjena na način, vrijeme i mjesto kako je to opisano u optužnici, temeljeći optužbu na dokazima koje je Kantonalno tužilaštvo prikupilo u toku istrage i predložilo u optužnici.

Navedenu optužnicu potvrdio je sudija za prethodno saslušanje ovog suda dana 30.04.2025. godine, a na ročištu radi izjašnjenja o krivnji optuženi D. E. i optužena Š. N. su izjavili da poriču krivnju, pa je i zakazan glavni pretres.

Na glavnom pretresu, koji je održan dana 07.07.2025. godine, Kantonalni tužilac je ostao u cijelosti kod ove optužnice i prijedloga za provođenje dokaza koji su predloženi u optužnici.

Optuženi su u uvodnom izlaganju u prisustvu svojih branioca izjavili da je tačno da su počinili radnje opisane u optužnici, da priznaju krivnju i da su djela počinjena na način, mjesto i vrijeme kako je to opisano u činjeničnom opisu optužnice.

Priznanje optuženih je potpuno i u skladu sa provedenim dokazima na glavnom pretresu odnosno dokazima koji su uloženi od strane Kantonalnog tužioca radi utvrđivanja da li postoji dovoljno dokaza o krivnji optuženih a to su:

1. Naredba Općinskog suda u Zenici broj: 43 0 K 254068 24 Kpp od 06.12.2024. godine, naredbu Općinskog suda u Zenici broj: 43 0 K 254068 25 Kpp 2 od 15.01.2025. godine, naredba Općinskog suda u Zenici broj: 43 0 K 254068 25 Kpp 4 od 14.02.2025. godine, službena zabilješka Uprava policije Zenica broj: 08-02-03/4-25/25 od 10.02.2025. godine, naredba za pretresanje PS Tešanj broj: 08-02-11/1-15-33/25 od 10.02.2025. godine, dopis Uprave policije Zenica broj: 08-02-03/3-03-2-698-3/25 od 12.02.2025. godine u prilogu kojeg se nalazi službena zabilješka sačinjena od strane sudije za prethodni postupak Općinskog suda u Tešnju od 10.02.2025. godine, potvrdu o privremenom oduzimanju predmeta PS Tešanj broj: 08-02-11/1-35-22/25 od 10.02.2025. godine na ime N. Š., potvrda o privremenom oduzimanju predmeta PS Tešanj broj: 08-02-11/1-44-23/25 od 10.02.2025. godine na ime N. Š., potvrda o privremenom oduzimanju predmeta PS Tešanj broj: 08-02-11/1-38-22/25 od 10.02.2025. godine na ime N. Š., zapisnik o pretresanju stana, drugih prostorija i pokretnih stvari PS Tešanj broj: 08-02-11/1-7-03/25 od 10.02.2025. godine, potvrda o privremenom oduzimanju predmeta Uprava policije Zenica broj: 26/08-02-03/3-4/25 od 11.02.2025. godine na ime N. Š., zapisnik o izvršenoj radnji privremenog oduzimanja predmeta i popisu privremeno oduzetih predmeta Uprava policije Zenica broj: 08-02-03/3-3/25 od 11.02.2025. godine, potvrda o privremenom oduzimanju predmeta PU Žepče broj: 08-02-13/1-10/25-16 od 10.02.2025. godine na ime E.D., zapisnik o izvršenoj radnji privremenog oduzimanja predmeta i popisu privremeno oduzetih predmeta PU Žepče broj: 08-02-13/1-10/24-16 od 10.02.2025. godine, zapisnik o otvaranju i pregledu privremeno oduzetih predmeta i dokumentacije Uprava policije Zenica broj: 08-02-03/3-11/25 od 11.02.2025. godine, doslovni zapisnik (br.1) uz redni broj 6 (Meta:387644132300) od 05.03.2025. godine, doslovni zapisnik (br.1) uz redni broj 18 (Meta:387644307247), Lista proizvoda (djelimični izbor) od 21.12.2024. godine, doslovni zapisnik (br.2) uz redni broj 19 (Meta:387644307247), Lista proizvoda (djelimični izbor) od 30.01.2025. godine, naredbu za hemijsko vještačenje KT Zenica broj: T04 0 KT 0062518 25 od 12.02.2025. godine, naredbu za vještačenje dokumenata KT Zenica broj: T04 0 KT 0062518 25 od 14.03.2025. godine, naredbu za balističko vještačenje KT Zenica broj: T04 0 KT 0062518 25 od 05.03.2025. godine, ugovor o zakupu stana između B. N. i Š. N. broj: OPU-OV:66/2025 od 15.01.2025. godine, centralnu potragu lica broj: 64396 od 31.12.2024. godine i izvod iz kaznene evidencije za optuženih D. E. i Š. N. PU I Zenica od 11.02.2025. godine.

2. fotodokumentacija „Privremeno oduzimanje predmeta-Š. N.“ Uprava policije Zenica broj: 08-02-03/6-64F/25 od 11.02.2025. godine sa datumom izrade od 11.03.2025. godine, fotodokumentacija „Otvaranje privremeno oduzetih predmeta-Š. N.“ Uprava policije Zenica broj: 08-02-03/6-65F/25 od 11.02.2025. godine sa datumom izrade od 11.03.2025. godine i fotodokumentacija „Pretres stana“ PS Tešanj broj: 25/25 od 10.02.2025. godine sa datumom izrade 04.3.2025. godine.

3. doslovni zapisnik uz sažetak razgovora i to:

- doslovni zapisnik (br.1) uz redni broj 6 (Meta:387644132300),
- doslovni zapisnik (br.1) uz redni broj 18 (Meta:387644307247),
- doslovni zapisnik (br.2) uz redni broj 19 (Meta:387644307247),
- Lista proizvoda (djelimični izbor) od 21.12.2024. godine,

- Lista proizvoda (djelimični izbor) od 30.01.2025. godine.

4. Zapisnik o saslušanju svjedoka M. E. Uprava policije Zenica broj: 08-02-03/3-33/25 od 05.03.2025. godine, Zapisnik o saslušanju svjedoka K. N. Uprava policije Zenica broj: 08-02-03/3-34/25 od 05.03.2025. godine, Zapisnik o saslušanju svjedoka J. A. Uprava policije Zenica broj: 08-02-03/3-30/25 od 05.03.2025. godine, Zapisnik o saslušanju svjedoka T. A. Uprava policije Zenica broj: 08-02-03/3-35/25 od 05.03.2025. godine, Zapisnik o saslušanju svjedoka Č. A. Uprava policije Zenica broj: 08-02-03/3-38/25 od 06.03.2025. godine, Nalaz i mišljenje FUP Sarajevo Centar za forenziku broj: 11-18/2-03-5-351 od 27.02.2025. godine, Nalaz vještačenja dokumenta FUP Sarajevo Centar za forenziku, Odsjek za dokumente, rukopise i digitalnu forenziku broj: 11-18-18/1-03-5-654 od 10.04.2025. godine, Nalaz balističkog vještačenja Uprave policije Zenica broj: 08-02-03/6-03-2-1241-1/25 od 17.04.2025. godine.

Na prijedlog odbrane provedeni su dokazi:

-obrazac JS 3100 porezne uprave Federacija BiH od 16.06.2025.godine,
-izjava o kućnoj listi od 11.06.2025.godine,
-izvod iz matične knjige rođenih za mldb. Š. I. od 11.06.2025.godine,
-izvod iz matične knjige rođenih za mldb. D. A. 11.06.2025.godine,
-cips za lice Š. N., Š. I. i D. A.

Uvjerenje suda da je do priznanja krivnje došlo s razumijevanjem, te da su optuženi svjesni svih posljedica i obaveza koji proističu iz priznanja krivnje, te da postoji dovoljno dokaza o krivnji optuženih, pa je sud i prihvatio priznanje krivnje optuženih

Po Naredbi Općinskog suda u Zenici broj: 43 0 K 254068 24 Kpp od 16.12.2024. godine, Naredbi Općinskog suda u Zenici broj: 43 0 K 254068 25 Kpp 2 od 15.01.2025. godine i Naredbi Općinskog suda u Zenici broj: 43 0 K 254068 24 Kpp 4 od 14.02.2025. godine provedene su posebne istražne radnje "Nadzor i tehničko snimanje telekomunikacija" iz člana 130. stav 2. tačka a) ZKP-a F BiH i "Tajno praćenje i tehničko snimanje lica, transportnih sredstava i predmeta koji stoje u vezi sa njima" iz člana 130. stav 2. tačka d) ZKP-a F BiH.

Policijski službenici Mup-a Ze-do kantona su u toku mjeseca decembra 2024. i mjeseca januara 2025. godine primjenom posebnih istražnih radnji "Nadzor i tehničko snimanje telekomunikacija" iz člana 130. stav 2. tačka a) ZKP-a F BiH i "Tajno praćenje i tehničko snimanje lica, transportnih sredstava i predmeta koji stoje u vezi sa njima" iz člana 130. stav 2. tačka d) ZKP-a F BiH, identifikovali lica D. E. i Š. N., koji duži vremenski period vrše promet opojne droge "speed" i „marihuana“ na području Ze-do kantona i šire. Optuženi su povremeno koristili privatnu kuću u naselju K., grad Zenica, kao i iznajmljeni stan u naselju J., općina Tešanj, na adresi M. Č. broj ..., gdje su držali opojnu drogu, vršili vaganje, pripremu i pakovanje za dalju prodaju, te tako pripremljenom opojnom drogom prometovali dalje prema drugim kupcima i krajnjim korisnicima opojne droge na području Ze-do kantona, kao i na području cijele BiH, a koji promet opojnom drogom su vršili po prethodnom dogovoru putem telefonske komunikacije ili ličnim kontaktima sa drugim kupcima na adresi boravka i na mjestima po prethodnom dogovoru.

Primjenom posebnih istražnih radnji prema optuženom D. E., iz člana 130. stav 2. tačke a) i d) ZKP F BiH, u toku mjeseca decembra 2024. godine i mjeseca januara 2025. godine došlo se do saznanja da isti promet opojnom drogom vrši i posredstvom svoje supruge Š. N., kada je i utvrđeno da Š. N. koristi E. mobilni telefonski broj U navedenom periodu evidentiran je telefonski razgovor koji je ista ostvarila iz kojeg je jasno vidljivo da imenovana vrši promet opojnim drogama za svog supruga. Dana 20.12.2024. godine oko 21,51 sati N. putem pomenutog mobilnog telefonskog broja ostvaruje komunikaciju sa licem M. E. zv. "C.", korisnik telefonskog broja ... "B poziva A B šuti A halo B hej N. E. je, vamo uzeo broj od ovog znaš, de mi reci imaš li išta A imam sad tu kod sebe za 30 kontaš, trebam izvagat B bil mogla tamo do BP pa ću ti tivra to.....B hajd kod careve vode A hajd".

Iz citiranog telefonskog razgovora jasno je da optužena N. po dogovoru putem telefona poznatoj osobi po imenu E. vrši prodaju opojne droge "speed", koji je sa telefonskog broja vlasništvo M. E. istu pozvao. Također, iz komunikacije je jasno da je optužena izvršila isporuku opojne droge za 30 KM pomenutom licu E. kod lokaliteta "careva voda" u mjestu Podbrježje, grad Zenica.

Nadalje, primjenom posebnih istražnih radnji prema optuženoj Š. N., iz člana 130. stav 2. tačke a) i d) ZKP F BiH, u toku mjeseca januara i februara 2025. godine prikupljene su informacije da se imenovana sa svojim suprugom a sada optuženim D. E. nalazi u iznajmljenom stanu u naselju J., općina Tešanj, na adresi M. Č. broj ..., čiji je vlasnik lice B. N. iz Tešnja, a odakle njih dvoje vrše promet opojnom drogom na području Ze-do kantona. Dana 30.01.2025. godine, Š. N. je sa svog telefonskog broja 064/430-7247 ostvarila komunikaciju sa B. N. koji koristi telefonski broj ..., kojom prilikom između ostalog razgovaraju i o uplaćivanju novca za kiriju.

Slijedom navedenih saznanja i informacija, dana 10.02.2025. godine policijski službenici Uprave policije MUP-a ZDK su primjenom posebnih istražnih radnji "Nadzor i tehničko snimanje telekomunikacija" iz člana 130. st. 2 tačka a) ZKP-a F BiH i primjenom posebnih istražnih radnji iz člana 130. stav 2. tačka d), ZKP F BiH - "Tajno praćenje i tehničko snimanje osoba, transportnih sredstava i predmeta koji stoje u vezi sa njima" prema licu Š. N. iz Zenice, posmatrali ulaz u zgradu na adresi M.Č. broj ... u mjestu J., općina Tešanj, gdje su uočili lice Š. N. kako ulazi u ulaz navedene zgrade sa licem B. K. iz Zenice, lice od ranije poznat po činjenju krivičnih djela iz oblasti zloupotrebe opojnih droga. Oko 14,10 sati istog dana uočena su lica Š. N., D. E. i B. K. kako zajedno izlaze iz ulaza navedene zgrade, gdje N. i E. sa djecom ulaze u pmv marke „Seat“, registarskih oznaka ..., dok lice B. K. ulazi u pmv marke „Renault Scenic“, registarskih oznaka ..., nakon čega se lica vozilima kreću prema magistralnom putu M-17 u pravcu Zenice.

Istog dana oko 15,05 sati u mjestu L., općina Žepče od strane patrole policije zaustavljeno je pmv marke „Seat“, registarskih oznaka ..., kojim je upravljala Š.N., dok se na mjestu suvozača nalazilo optuženi D. E., koji je prilikom kontrole policijskim službenicima na uvid dao dokumente koji su izdati na ime M. S. i istima se predstavio kao M. S.. Optuženi D. E. je policijskim službenicima na uvid je dao jednu plavu knjižicu na kojoj je na početnoj stranici napisano "International drivers license", koja je izdata na ime M. S. sa fotografijom, broja dokumenta DL544215, kao i kartu koja se veže na navedenu knjižicu, također sa fotografijom koja vrijedi do 22.11.2034. godine. Zatim, jednu putovnicu Republike Hrvatske broj: 307987558, izdata na ime M. S. sa

fotografijom, koja vrijedi do 13.09.2029. godine i jednu ličnu kartu Republike Hrvatske broj: 290621, izdata na ime M. S. sa fotografijom, koja vrijedi do 03.07.2029. godine. Obzirom da je za optuženog D. E. od ranije raspisana Centralna potraga na zahtjev Općinskog suda u Zenici, te zbog osnovane sumnje da je počinio krivično djelo "Krivotvorenje isprave" iz člana 373. stav 2. u vezi sa stavom 1. KZ F BiH isti je lišen slobode i sproveden u službene prostorije Uprave policije Mup-a Ze-do kantona, dok su dokumenti koje je predao na uvid policijskim službenicima privremeno oduzeti uz izdatu potvrdu o privremenom oduzimanju predmeta.

Nakon toga, istog dana 10.02.2025. godine u vremenskom periodu od 18,00 do 19,50 sati izvršen je pretres stana koji su kao iznajmljen koristili optuženi D. E. i Š. N., na adresi u ulici M. Č. broj ..., mjesto J., općina Tešanj, u skladu sa Usmenom naredbom Općinskog suda Tešanj broj: 08-02-11/1-15-33/25 od 10.02.2025. godine.

Prilikom pretresa navedenog stana pronađeni su sljedeći predmeti: prozirna pvc folija sa sadržajem suhe biljne materije, koja svojim izgledom asocira na opojnu drogu bruto težine 2,69 grama, osam komada vakumiranih prozirnih pvc pakovanja sa sadržajem bijele praškaste materije, koja svojim izgledom asocira na opojnu drogu ukupne bruto težine 341,39 grama, crno-bijela digitalna vaga za precizno mjerenje marke "Beurer" sa kutijom, mašina za vakumiranje marke "Gorenje" crno-sive boje sa rolnom prozirne folije, bijela pvc flaša sa čepom i natpisom "Methanol" sa sadržajem nepoznate tečnosti, prozirna pvc flaša sa žutim čepom sa sadržajem nepoznate tečnosti, više komada pvc vrećica za pakovanje, bijeli ručni mikser sa natpisom "Home" na kojem se nalaze tragovi bijele materije, koja asocira na opojnu drogu, crna platnena torbica u kojoj se nalazio jedan pištolj nn marke i modela, bez serijskog broja, kliješta crno-žute boje sa natpisom "Inecco", plastična šprica sa tečnim sadržajem sive i crne boje, metalni nož (tzv. čakija) sa natpisom "Bavaria woltex", pribor za čišćenje vatrenog oružja, više metalnih borera i više metalnih cijevi, zatim osam komada raznih metalnih borera, dvadeset novčanica u apoenima od 50 KM i dvadeset novčanica u apoenima od 20 KM.

Navedeni predmeti pronađeni prilikom pretresa stana su oduzeti od Š. N. uz izdate potvrde o privremenom oduzimanju predmeta, a dana 11.02.2025. godine od iste privremeno su oduzeta dva mobilna telefona, o čemu je sačinjena potvrda o privremenom oduzimanju predmeta.

Da su optuženi D. E. i Š. N. počinili krivičina djela koja im se optužnicom stavljaju na teret proizilazi iz službene zabilješke MUP-a ZDK, Uprava policije, Sektor kriminalističke policije, Odsjek za kriminalističko obavještajni rad od 10.02.2025. godine, te iskaza saslušanih svjedoka M. E., K. N., J. A., T. A. i Č. A., koji su u svojim izjavama opisali kako i na koji način su u primjeni posebnih istražnih radnji utvrdili, odnosno otkrili optuženi kao izvršioci predmetnih krivičnih djela, te iz Nalaza i mišljenja vještačenja materije koja je oduzeta od Š. N., na osnovu Naredbe Općinskog suda u Tešnju broj: 11-18/2-03-5-351 od 27.02.2025. godine, Nalaza i mišljenja vještaka MUP-a ZDK, Uprave policije, Sektora krim. policije, sačinjen pod brojem: 08-02-03/6-03-2-1241-1/25 od 17.04.2025. godine, kao i Nalaza i mišljenja FUP-a, Centar za forenziku Sarajevo broj: 11-18-18/1-03-5-654 od 10.04.2025. godine.

Iz naprijed navedenih dokaza a što je potvrđeno i priznanjem optuženih nesumnjivo proizilazi da su optuženi počinili krivično djelo D. E. i Š. N., zajedno, pod tačkom I-1 krivično djelo "Neovlaštena proizvodnja i stavljanje u promet opojnih

droga" iz člana 238. stav 1. KZ FBiH, u vezi sa članom 31. KZ F BiH, pod tačkom I-2 krivično djelo iz člana 52. ZONDINOiM-a u vezi sa članom 31. KZ F BiH i D. E., sam, pod tačkom II-3 krivično djelo „Krivotvorenje isprave“ iz člana 373. stav 2. u vezi sa stavom 1. KZ F BiH, a sve u vezi sa članom 54. KZ F BiH, pa kako su optuženi bili svjesni svojih djela i htjeli njihovo izvršenje te kako ne postoje okolnosti koje isključuju krivičnu odgovornost optuženih to je sud optužene oglasio krivim i osudio kao u izreci ove presude.

Umišljaj za izvršenje krivičnih djela proizilazi iz činjenice da su optuženi D. E. i Š. N. temeljito i smisleno vršili pripreme opojne droge, posjedovali opremu koja služi za razvagivanje, pakovanje i distribuciju što se ukazuje da je ista bila namijenjena prodaji većem broju konzumenata, također iznajmljivanje stana na sasvim drugoj adresi u odnosu na adresu prijavljenog prebivališta kako bi bili manje uočljivi i ostali neotkriveni u koju svrhu su krivotvoreni lični dokumenti od strane optuženog D. E., te posjedovanje oružja koje je pronađeno prilikom pretresa prostorija u kojoj su optuženi živjeli.

Prilikom odlučivanja o vrsti i visini krivično pravne sankcije na strani optuženih sud je cijenio sve okolnosti koje su od uticaja za odmjeravanje kazne. Od olakšavajućih okolnosti sud je našao da su optuženi priznali izvršenje krivičnog djela i time doprinjeli bržem okončanju krivičnog postupka, odnosno njegovoj ekonomičnosti i efikasnosti, da se kaju, njihove lične i porodične prilike, da optuženi pored djece koju je stekao sa optuženom Š. N. ima i dijete iz prvog braka koje je bolesno i nalazi se na liječenju u inostranstvu, a Š. N. da je majka troje mladb. djece koje izdržava od svog rada, te da je optužena Š. N. neosuđivana osoba.

Od otežavajućih okolnosti na strani optuženog D. E. sud je našao da je isti do sada više puta osuđivan, otežavajućih okolnosti na strani optužene sud nije našao, pa je na osnovu odredaba člana 43. i 49. KZ FBiH, optuženom D. E. utvrdio za krivično djelo „Neovlašćena proizvodnja i stavljanje u promet opojnih droga“ iz člana 238. stav 1. KZ F BiH kaznu zatvora u trajanju od 1 godinu i 3 mjeseca, za krivično djelo iz člana 52. ZONDINOiM-a u vezi sa članom 31. KZ F BiH kaznu zatvora u trajanju od 4 mjeseca, a za krivično djelo „Krivotvorenje isprave“ iz člana 373. stav 2. u vezi sa stavom 1. KZ F BiH, kaznu zatvora u trajanju od 9 mjeseci, pa je primjenom odredaba člana 54. KZ FBiH optuženog osudio na jedinstvenu kaznu zatvora u trajanju od 2 (dvije) godine i 3 (tri) mjeseca i u izrečenu kaznu optuženom se uračunava vrijeme provedeno u pritvoru od 10.02.2025.godine pa do 07.07.2025.godine po rješenju o pritvoru broj: 39 0 K 076399 25 Kpp od 12.02.2025.godine kojim rješenjem je određen pritvor u trajanju od mjesec dana, zatim po rješenju broj: 39 0 K 076399 25 Kv 2 od 07.03.2025.godine kojim rješenjem mu je pritvor produžen za dva mjeseca, te po rješenju broj: 39 0 K 076399 25 Kv 3 od 08.05.2025.godine koji pritvor je trajao do 07.07.2025.godine kada je pritvor ukinut.

Optuženoj Š. N. sud je na osnovu odredaba člana 49. i 62. KZ FBiH, izrekao uvjetnu osudu kojom se optuženoj za krivično djelo „Neovlašćena proizvodnja i stavljanje u promet opojnih droga“ iz člana 238. stav 1. KZ F BiH utvrđuje kazna zatvora u trajanju od 1 godinu i 3 mjeseca, a za krivično djelo iz člana 52. ZONDINOiM-a u vezi sa članom 31. KZ F BiH utvrđuje kazna zatvora u trajanju od 4 mjeseca, pa se primjenom odredaba člana 54. KZ FBiH optuženoj izriče jedinstvena kazna zatvora u trajanju od 1 (jednu) godinu dana i 6 (šest) mjeseci, a koja kazna se

neće izvršiti ukoliko optužena u roku od 3 (tri godine) računajući od dana pravosnažnosti presude ne učini novo krivično djelo, smatrajući da su izrečene krivično pravne sankcije adekvatne težini krivičnih djela koje su optuženi počinili kao i ličnosti učinioa i da će se sa izrečenom kaznom postići opšta svrha kažnjavanja, kako sa aspekta generalne tako i specijalne prevencije.

Na osnovu odredaba člana 203. stav 1. ZKP FBiH, optuženi su obavezani da na ime troškova krivičnog postupka-paušala plate iznos od po 50,00 KM, u roku od trideset (30) dana od dana pravosnažnosti presude.

Na osnovu člana 78. stav 1. i člana 238. stav 4. KZ F BiH, optuženim D. E. i Š. N. izriče se mjera sigurnosti i oduzma se ispitivana materija - opojna droga „tetrahidrokanabinol-cannabis“, neto mase 2,274 grama, opojnu drogu „amfetamin“, neto masa: 84,307 grama, 42,223 grama, 0,033 grama, 6,275 grama, 41,680 grama, 44,425 grama, 44,314 grama, 34,689 grama, preostale nakon vještačenja, a koje se nalaze deponovane u MUP ZDK, Sektor kriminalističke policije, te crno-bijelu digitalnu vagu sa natpisom "Beurer", 1 komad, (sa kutijom), mašinu za vakuumiranje "Gorenje" crno-sive boje sa rolnom prozirne folije, 1 komad, bijela PVC flaša sa čepom i natpisom "methanol" sa sadržajem nepoznate tečnosti jedan komad, prozirna PVC flaša sa čepom sa sadržajem nepoznate tečnosti 1 komad, više prozirnih PVC vrećica za pakovanje, bijeli mikser, ručni, sa natpisom "Home" na kojem se nalaze tragovi bijele materije koja svojim izgledom asocira na opojnu drogu "speed", da se oduzme pištolj marke BLOW model TR14, kalibra 9 mm, p.a.k., jedan pribor za čišćenje pištolja, pet čeličnih cijevi dužine 200 mm prečnika oko 14 mm, dvije čelične cijevi dužine 85 i 97 mm, vanjskog prečnika od 13,6 mm, kombinovana kliješta sa natpisom „Ineco“, borer dužine prečnika 9 mm dužine 125 mm, dvije spojene plastične tube sa bijelim i crnim sadržajem, višenamjenski alat u obliku noža na rasklapanje sa više alatnih dodataka sa natpisom proizvođača Bavaria Woltex Company, cijev plinskog oružja dužine 72 mm, unutarnjeg prečnika 6,9 mm sa pregradama na početku i kraju koja je nesumnjivo skinuta sa gasnog oružja koje u cijevi ima pregrade kako bi se onemogućilo ispaljivanje projektila (zrna), borer dužine 85 mm prečnika 5mm. zahrđane čelične cijevi jedanaest komada, vanjskog prečnika 12,5 mm a unutarnjeg prečnika 8,5 mm, cijev dužine 85 mm vanjskog prečnika 12,7 mm i unutarnjeg prečnika 8,2 mm, jedna začepljena cijev dužine 128 mm, prečnika 12 mm, jedna cijev dužine 47 mm, vanjskog prečnika 15 mm a unutarnjeg prečnika 8,5 mm, nastavak za bor-mašinu sa oštećenim vrhom maksimalne širine križa (pločice od tvrdog metala) 8,8 mm, nastavak za bor-mašinu sa krstastim vrhom, šestougaoni „izbijač“ širine 6,3 mm dužine 37 mm i šestougaoni „izbijač“ širine 8 mm dužine 45 mm, dva metalna okrugla prečnika od 8,2 mm do 9,3 mm dužina 30 i 35 mm, rezni alat sa priljučkom za bor-mašinu u obliku konusnog glodala, maksimalnog prečnika 12,65 mm, dužina glodajućeg dijela 26 mm i rezni alat sa priljučkom za bormašinu u obliku konusnog glodala, maksimalnog prečnika 9,5 mm, dužina glodajućeg dijela 21 mm, borer prečnika 9 mm dužine 120 mm, dva mala neupotrebljena borera dužine 60 mm prečnika 3 mm i četka za čišćenje cijevi vatrenog oružja dužine 140 mm, deponovana u PS Tešanj i ista se ima uništiti u smislu odredaba člana 194. stav 3. ZKP FBiH.

Na osnovu člana 114. KZ FBiH, od optuženih oduzima se dvadeset (20) novčanica u apoenima od 50, 00 KM i dvadeset (20) novčanica u apoenima od 20,00 KM, koje su novčanice oduzete uz potvrdu o privremenom oduzimanju predmeta PU

IV PS Tešanj broj: 08-02-11/1-44-23/25 od 10.02.2025. godine, te se navedena sredstva imaju uplatiti u korist budžeta Federacije BiH po pravosnažnosti presude.

Naime, radi se o imovinskoj koristi koju su optuženi ostvarili izvršenjem krivičnog djela „Neovlašćena proizvodnja i stavljanje u promet opojnih droga“ iz člana 238. stav 1. KZ F BiH (optuženi su držali opojnu drogu radi dalje prodaje što proizilazi iz odbrane optuženih, a posebno optužene Š. N. koja je izjavila da joj je D. E. ostavio 300-400 grama opojne droge radi prodaje u vrhu obezbjeđenja materijalnih sredstava za porodicu), pa s obzirom da ostvarenu imovinsku korist pribavljanju krivično djelo niko ne može zadržati to je sud u smislu odredaba člana 114. KZ FBiH istu i oduzeo.

Na osnovu svega navedenog sud je odlučio kao u izreci ove presude.

PRAVNA POUKA:

Protiv ove presude dozvoljena je žalba
Kantonálnom sudu Zenica u roku od 15
dana od dana prijema presude.

Sudija

Ajanović Besima